

## **ADVENT MESSAGE 2021**

**By Archbishop John Wong  
Archdiocese of Kota Kinabalu**

**26 November 2021**

### **Advent: Kahansanan om Kapagandadan**

DO MASO iti pogun pakaazan doid 'endemic' mantad 'pandemic' {dih'o'Covid-19}, koguhian nopo doid miaga haid (dii also do Covid-19), nga' osodu' po kozo montok dotokou. Kakal po do sompimogiigizon tokou miampai diho' toluo nokomoi. Kilati' iti do iho' Covid-19 nopo nga' miampai dotokou, au' noihaan do songkuo hinaid.

Nga' noubas tokou nodii diho' oitan do 'normal'. Sundung do miaga koi' sandad koduvo doid dotokotu o monokop todung om kabang, kada' piinsomok kozo, soosouan momoug om momoguno do sabun-pomoug, nga' kivaa po do vookon dotokou do pointihombus do mogiigizon om osusaan do natagakan do kalaja' om pongindopuan, nokosiibo' o ikonomi, oungos do nokomungkang o kohidasan, au minomuumusou po do atagakan do koginavaan tu' noimangan do Covid-19, om kokomoi do mongimvakas do 'vaccine, om nogi' kokomoi do politik tavakas nga' au ma pointantu'.

Poingintanga' diti au-kotontuan ngaavi', monguntingau do pibabasan dotokou, kivaa po dii hobi po ko'suvai ngaavi', ii mandad om humasan do avasi' taangazan do magaha' diho' Covid-19. Nga' also naku do taanu-anu dotokou do humasan om mandad?

Doiti' no vagu' o Advent {Kapagandadan). Lat'i do Advent nopo nga' timpu' do mandad om popotouna' montok Krismas. Pibagahon nopo nodii do id koubasan di Eklizia nga' Advent nopo nga' mandad dii andaandadon. Mandad tokou dii pisoosou do mikat vagu' i Kristus Tanak. "li ninavau totopot ii mamabang doid potitikid tuhun, minikot doid di pomogunan." Jn 1:9. Om vagu' id 7:14 "iti no poogi', i Tuhan sondii'o manaak mai diozu do tanda'; Biio', i haahangai sumpakon mai mogontizan, kivaa do tanak-kusai, om momungaan disido do i Immanuel."

Mandal-andad tokou do ii nopo, nga' iso' ii koimazaan om dati' do hobi po ko' ino. Koiho tokou do pointantu' no do mikot Isido, nga' ontok mikot Isido, ingkuo tokou nodii do dumuumak Disido? Koduumak tokou dati' dii kotindapaan di Kristus do id dii tasampit, id dii tosiisian, id dii nongokoundun do kosusaan tavagat, id dii sumakit, id dii au-posoosongkuozon. Miaga nopo dii Magi do nokoduumak Disido -'id kain-taapin... om pinohuvi id ponunumadan-sapi'.

Noosuat ii do id dii Mt 2:1-2 "Kohodi nopo i Jesus do id Bethlehem do Judea id dii timpu' ngaavi' di Laja Herod, nga' tuhun tangabaa mantad kohisaon minikot id Jerusalem. "Nombo Isido ii nohodi,, laja' do Johudi ngaavi'? Tu' nokito dagai ii

tombituon disido do huminisau om nga' nokoikot zikoi nodii do sumamba Disido," Sundung-ingkaa, nga' nung mogium tokou Disido do id nombo ii tosoou dotokou do doiho' no Isido, nga' au tokou i' dati' ko'ium Disido do doiho.

Mandad do Advent nopo nga' momoguno do timpu' om hivang. Okon i ko' mandad tokou kozo di Kinoingan do kumalaja'. Mositi' monoodo takou do hivang montok di Kinoingan do kumalaja' dumadi do nunu ii aalu dotokou do monoimo, iso' ii aalu dotokou monoguvang do ontok aantakan ii.

Mooi do popotumbozo' diti do aantakan, kiguno do mudizo tokou: Momoguno tokou i' naku do timpu', id diti Advent, do montok di Kristus Tanak, toi' ko' sangagab-agab om atangkangau tokou do kopotounaan do Krismas om taangaangazan ngaavi' montok tadau koundaangan tu' nokohuuuhuvau nodio pinuobo dotokou doid diho SOP ii minogivang diho' pivohitan ngaavi' pogun?

Mositi' do ivangon dotokou o vookon timpu' poimizo om pokodoit do dumuumak Disido, tu id "Sodop pokodoit om Sodop Tobitua", minikot Isido doid diti pomogunan. Mikot nogi' Isido doid diau do id "timpu' pokodoit om timpu'poimizo".

Tu' also hinimput id dii hamin-tagazo, montok di Mary Joseph om Jesus, tu' nopena' kozo ii. "Minogkoosusu zosido dii tanak-kusai' dosido om opinai na ii do kain taapin om pohuvizo' no Isido do id ponumadan-sapi', tu' also tizonon montok dioho' do id dii hamin-tagazo" Lk 2:7 - ginavo dotokou nga' au' nogi' dati' poingivang montok Disido tu sabap no do kopusaan tangagazo om katangaban ngaavi' kogompit doid Covid-19. Dadi', mositi' do onuan dotokou do hivang id suang ginavo dotokou om popotounda' do hivang poimbida' do montok Disido do mikot - om mikot tuutulus doid dii.

Mandad do Advent nopo nga' nopena' do kahansanan. Okonko' miaga montok di Mary om Joseph, kikotunrbazaar tokou id topiumanan di komuniti song-Ekiizia, do nokoikot no i Jesus id diti pomogunan, om poinduumak tokou no di Kristus poimpasi, id dumbangan dotokou do manaak dotokou do kahansanan.

Dadi', mandad tokou miampai kahansanan montok koikatan Disido do kumoinduvo. Songovian tokou mogiandard-andad om okonko' soosonguhun. Mikot mai' Isido, om id kalaalahano'-hobi-gazo, ontok poingandad tokou do koikatan Disido om dumuumak tokou Disido do id Misa' id dii Oikaristia, mamadadi do kahansanan dotokou id koguhian Disido do hobi po ko' mamaamasi noopo do id susui do kaantakan Advent.

Nosuat di St Paul id suat ngaavi' dau' o kokomoi do kahansanan om mandad di Kristus do id koguhian di Kristus. Tu' id kahansanan, natampasi tokou, nga' kahansanan okito nopo nga' okonko' kahansanan tu' nunu o kahansanan montok dii okito no dau? Nga' nung humansan tokou do nunu ii au' okito dotokou, miampai kataanan-ginavo, andadon no kozo dotokou ii. (Rm 8:24-25).

Iti boos ngaavi' nopo nga' hobi po dati' do kosudong dotokou do baino tu' Advent nopo nga' poposou dotokou do kahansanan dotokou nopo nga' id Jesus Kristus, om nung ingkaa nga' okon i' ko' also taanu-anu, id suang po toi' ko id habus tokou do 'pandemic' Covid-19.

Dadi' nunu nodii o kavo do kapagandadan dotokou id Advent dotokou? Nung okito dotokou ii kapagandadan dotokou do miaga koi' kapagangatan hangad om andaandalon sunduvan: "Ikot, oi Tuhan Jesus", nga' somboogizan tokou mai' dii songingandad do Koikatan Kumoiinduvo, miaga di Mary om Joseph om dii nimaan dii sangti ngaavi'.

Tuhun ngaavi' Advent tokou mai', tuhun ngaavi' ii mandad miarnpai kahansanan, tuhun ngaavi' ii mintong noopo doid doiti' om baabaino, nga' tuhun ngaavi' ii mandad-andad doid dii kotuhukan dii batos dii koikatan do Kopomolintaan. Miaga dii booson di profeta Jeremiah: "Minoboos i Tuhan doid dogo', 'Nokokito ko tavaavasi', tu' pointamong zou doid dii boos ku do mangalaja' dii." (Jer 1:12)